

INUIT ATAQATIGIIT

Inatsisartuni



4. september 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara.

Naalakkersuisunut apeqquut:

- 1. Narsarsuaq pillugu suleqatigiissitap sulinera qanoq killiffeqarpa?**
 - a. Suleqatigiissitaq qasseriarluni ataatsimiittarsimava?**
 - b. innuttaasunillu qanoq akuutinneqarpat?**

- 2. Kangerlussuaq pillugu suleqatigiissitap sulinera qanoq killiffeqarpa?**
 - a. Suleqatigiissitaq qasseriarluni ataatsimiittarsimava?**
 - b. innuttaasunillu qanoq akuutinneqarpat?**

- 3. Kangerlussuaq pillugu suleqatigiissitaq mittarfiit pillugit UKA2018-imi aaliangereernerup kingorna qasseriarluni ataatsimiittarsimava?**

- 4. Kangerlussuaq pillugu suleqatigiissitap kommissoriaeata 18. Januar 2019-imi pilersinneqarnerata kingorna, suleqatigiissitaq qasseriarluni ataatsimiissimava?**
 - a. Ataatsimiittarnerit sulinerup siuariartorneranik kinguneqartarsimappat?**
 - b. Suleqatigiissitami ilaasortaasut sulineq pitsaasutut isumaqarfigaat?**

(Inatsisartunut ilaasortaq, Peter Olsen, Inuit Ataqatigiit)

Tunngavilersuut:

Kangerlussuaq Narsarsuarlu pillugit suleqatigiissitat Naalakkersuisunit innersuunneqartuartarput nunaqarfiit taakku siunissaat apeqquutigineqaraangat. Naalakkersuisullu suleqatigiissitat taakku sulilluarnerarlugit Inatsisartunut inuiaqatigiinnullu oqariartuutigeqattaartarmassuk paaserusunnarpoq sulineq sumut killiffeqarnersoq. Politikikkut sulinermi inuiaqatigiinnullu apeqquutit pingaaruteqarmata apeqquutigaakka.